

Galatiye Chostshogsla Paului Chagđis.

Galatiye chostshogsla Paului chagđissi skor.

Inna chagđis taŋ sŋunme chostshogssi uskyoŋgun gyudte, ŋadaŋŋa i chagđispo Tsoo Yeshu mashike skutshabs Paului đia dzadkhanbo gyus chanog.

Paului i chagđis đia dzadkhanni tuspo thagcadcesla taŋdiriŋŋi chossi khaspagunni naŋŋa pobudte innog. Khoŋ khaciggi ibo Yeshu toŋste sontea zhaŋste stiŋne lo 15 ne 16 yaŋ khaciggi lo 20 ne 24 nyekhorla đia dzadkyag zerranog.

Yahudapa Mashikapa khacig galatiye gyalsa yoŋste teru yodkhanni Mashikapagunla Paului labzha labkhangun manpa, soso labzha rig labste hiliŋs phiŋs pasaŋ, Paului i chagđispo đia dzads. Tegunni "Tadpacan Yahudapa mankhangunni Yeshui skyobba dzadces cigpoe naŋŋa idshes coces cigpo manpa Mozessi thims khaciggiar khanyangos zerradpin (Sperna sunnad^a coces taŋ chossi zhag khagcangun ŋuŋces). Paului thimssika đulgos med zerte labzhaa taŋcespoe zusme lobbongunni, Paulu denbe Yeshui skutshabs manog zerte skyonrjod coadpin.

Tetsogs naslug cuŋs pasaŋ, Paului i labzhagun salin chagđispo đia dzads.

1. Khoŋ Konchog taŋ Tsoo Yeshui Idamma dzadkhanni skutshabs inkhanbo salpo coa dzads.

2. Paulu Yahudapa mankhangunni phia mashike skutshabs yaŋ khoŋŋi longun taŋpo taŋ idshescan inkhanboa Yerushalemmi naŋŋa yodkhanni mashike skutshabs tshaŋme khachams dzadkhan.

3. Mashikeka tadpa coe saŋ sŋunla Paului thimsgun maŋaŋte snyiŋne ŋuŋcessi stsonđus cokhan innar tharpa thobte stiŋne, Konchoggi khoa, khoŋŋi gamoe nastshul shadcesla sals.

4. I zusme lobbongunni mashike gamoe nastshulli naŋŋa gyurja khyoŋces, yaŋ kaltes Galatiya tadpacangun, khoŋgunni stiŋraŋne đulna tharpabo medkhan coste khoŋgun thimssi yogpo gyurin.

5. Mozessi thimsgun khanyances manpa, Konchoggi thugrjee naŋŋa mashikeka tadpa cigpo gyudte, ŋadaŋgunla tharpa thobbanog.

6. I tharpaboe ŋadaŋgunla mitshe somazhig sallanog, yaŋ ŋadaŋgun Konchoggi thugnyiddi thidin raŋwaŋŋi mitshezhiŋ phudnyannanog..

Paului chogsne ju.

1:1 ne 5

1 I igebo Yeshui skutshabs Paului chogsne in. Đa migunni sdezhiŋ ya mii waŋŋi maldamma, Yeshu Mashika taŋ khoŋ shikhangunni toŋe sontea laŋŋa dzadkhanni yab Konchoggi Idamma dzadte in. ²Galatiye naŋŋa yodkhanni

^a1:0 sunnaddi tontagpo ni butshe she kane pagspa cadte stags cocespo innog

chostshogsgunla, i igebo kalcessi nanja na nyampo yodkhanni spun tshanma thuste in. ³ Dadangunni yab Konchog tar Tsoo Yeshu Mashika gunni, khyozhagunla thugrje tar zhide salla dzadshig. ⁴ Konchog ndadangunni yabbi thuggons nanzhin Yeshui, ndadangun dugste yodkhanni nanpa jigstenni nanne thar cugga dzadces tar ndadangunni sdigpe phia, khonranji mitshe chodpe tshulla salla dzads. ⁵ Teboe zhaste, Konchogga tusgyunnegyun spal thobshig, amen.

Gamoe nastshul cigcig mane med.

1:6 ne 10

⁶ Khyozhaa izam gyogspa Konchog phanste chen yodcespoa na halas. Konchoggi mashike thugrjee gyudte, khyozhagun khon nyampo del cocesla bodda dzadte inpin. Innar khyozhagun zhanyar soso gamoe nastshulzhiggi stinranne duldug, ⁷ kabo nospoa gamoe nastshulzhig in khoran manog. Innar mashike gamoe nastshulli tontaggi nanja minnan gyurja khyonkhangunni, khyozhe snyinji nanja thetshoms skyecugin yodkhanbo naa hagoarag.

⁸ Kaltes njazhaa ciggi ya namkhe phonyazhiggi, njazhe khyozhaa labkhan manpa yar soso gamoe nastshulzhig labbadna, Konchoggi tegunla thamedpe chadpa salla dzadshig. ⁹ De snunla zerkhanbo yan skyar zerrad, suzhiggiar khyozhagunni snunla tadpa cokhangunni sar zhanyar soso gamoe nastshulzhig labbadna, Konchoggi tegunla thamedpe chadpa salla dzadshig.

¹⁰ Lotosshiggar, ne Konchogne stodpa thobcessi stondu corugga ya migunne? Kaltes ne migun thadcugnyin yodpinna, na mashike zhabstogpa zhig mandu.

Pauli lon mashike chogsne innog.

1:11 ne 24

¹¹ Cespe spungun ne khyozhagunla ibo hagogos sammarag. De labkhanni gamoe nastshulbo, mii cokhanzhig man. ¹² Tebo naa mizhiggi kane mathob, ya suzhiggi na malabs, innar naa ibo Yeshu mashike kane khadanja snonte in.

¹³ Yahudape chossi nanja yod zane, na kazugshig yodkhanbo khyozhagunla gyus yoddu. De Konchoggi chostshogsgunla nags shante stante tegun thestor cocessi nanja stondu gyalla cospin. ¹⁴ Yahudape chossi nanja, na tar locigpa zhanyar Yahudapagunni sar naa manja khaspa tar tharkhyel luspun. Yar ne naranji phamespogunni lugsolgun shuncesla snyinne stondu tegunni sar manja cospin.

¹⁵⁻¹⁶ Innar Konchoggi khonranji halasshessi thugrjee nanja, na skye sar snunla Idamma dzadte bodda dzads. Yeshui skorla gamoe nastshulbo Yahudapa mankhangunla shadcessi phia, khonranji shapo naa snon cugga dzadcesla, Konchog thugsthadda dzads. Iboe skorla ne sumizhiggi kane ar khadaa matsalpin, ¹⁷ ya ne sar snunla skutshabs inkhangun nyampo te skorla dab coala, na Yerushalemma masonpin. Innar tennamalla na Arabia sonpin, yar testinne na Dameskhassi gyalsa logste yonspin.

¹⁸ Tene lo summi stiŋne, ɲa Yerushalemma Pitarla^b thugcessi phia, soŋte zhagma 15 khoŋ nyampo dugspin. ¹⁹ Tetusla Tsooe no Yakob cigpo manpa, zhanyaŋ skutshabs suzhiggaŋ ɲa mathug. ²⁰ De khyozhaa ɗiin yodkhangun zunmankhanni spaŋpo, Konchog in.

²¹ Teboe stiŋne, ɲa Siriya taŋ kilikiye yulla soŋpin. ²² Yaŋ tetus tshogpa, yahude chostshogsgunni Mashikapagun ɲa nyampo mathugga inpin. ²³ Innaŋ khoŋgunla migunni kane innabo tshorte innog, "Sɲunla ɲadaŋgunla nagsbardo stankhanni miboe, ta dagsa tenna tadpe skorla chosshaddug, kabo khoe tusshigga thestor cocessi stsonɗus coadpin." ²⁴ Yaŋ ɲa cuŋkhanboe zhaste, khoŋgunni Konchogga stodpa phulte inpin.

Skutshabs tshaŋme Paului labzhagunla gyabskyor dzads.

2:1 ne 10

2¹ Tene lo cubzhii stiŋne, ɲa yaŋskyar logste Yerushalemma Barnabas nyampo soŋpin. De Titussaŋ ɲazhaa nyampo thidte khyerpin. ² Konchoggi ɲaa sɲon cugga dzadkhanboe zhaste, ɲa teru soŋpin, yaŋ Yerushalemmi chostshogssi uskyoŋ inkhangun cigpo yod zane, ɲe Yahudapa mankhangunla gamoe nastshul shadkhanboe skorla khoŋgunla shadpin, ciazerna ɲaa ɲe coin yodkhan ya cokhanni te stsonɗusgun godla soŋte mannahe, samte jigssadpin. ³ Khoŋgunni ɲaa chogsskyor cos, yaŋ ɲe ɗopa Yahudapa mankhan Titussaŋ sunnad cogoshespo khagcan masam.

⁴ I ɗiwabo cuŋ, ciazerna Mashika Yeshui naŋɲa ɲazhagunla raŋwaŋ yodkhanbo ltacesla, zusme spun rig ɲazhagunni chostshogssi ɗoa saŋwe thogne ɗeste innog. Yaŋ raŋwaŋbo kogste khyerte, Yahudape thimsgunni tsheyog gyurcugcesla thaddug. ⁵ Innaŋ ɲazhe khoŋgunni zerkhangunla ɗibciggi phiaŋ, khaa machamspin, ciazerna ɲazhe gamoe nastshulli ɗaŋpobo khyozhagunni phia skyobste borrala thaddadpin.

⁶ Yaŋ Yerushalemmi chostshogssi uskyoŋ inkhangunni ɲe labin yodkhanboeka caŋ nante zerces midugpin (Tetsogssi Koseka yodcespoe ɲe phia, caŋ khyad med, ciazerna Konchoggi suzhiggaŋ chogris coa dzadda manog). ⁷ Tebo matshad Konchoggi Pitarla Yahudapagunla, chosshadcessi khag kalla dzadkhan tsogsla, Yahudapa mankhangunla, gamoe nastshul shadcessi khag ɲaa salla dzadkhanbo, te uskyoŋgunni thoŋste innog. ⁸ Yeshui skutshabs Pitar gyudte, Yahudapagunni naŋɲa chaglas dzadkhanni tenna Konchogpoe, ɲa Yeshui skutshabs gyudte Yahudapa mankhangunni naŋɲaŋ, chaglas dzadte innog.

⁹ Chostshogssi uskyoŋ tshaŋmesaŋ khagcan thea dzadkhan Yakob, Pitar taŋ, Yohanan gunni ɲe lasgunni skor tshorte, Konchoggi ɲaa thugrje salla dzadte inkhanbo hago. Yaŋ Barnabas taŋ ɲaa khoŋgunni ɗopa lascedpa theadzadte, ɲazhaa Yahudapa mankhangunni ɗoa chosshadces, yaŋ khoŋgunni Yahudapagunni ɗoa las cocesla khachamssa dzads. ¹⁰ Nyalbacangunla rogs cocessi zhuwa cigpobo, khoŋgunni ɲazhaa taŋs. Tenna laspo coala ɲaa riŋssadpin.

^b1:18 rissi skaddi naŋɲa Pitarla Kyephas Griiste yodte innog.

Paului Pitarla skyonrjod coa dzads.**2:11 ne 21**

¹¹ Innañ Pitar Antiyoggi gyalse nanña yod zane, khonñji coskhanbo northul tantan in pasan, ñaa khonña ldonñjika gyabgal cogos. ¹² Sñunla khonñji Yahudapa mankhanni Mashikapagun nyampo kharji zadpin. Innañ Yakobbi dzao khacig teru lebbacig, Pitarri te spun Yahudapa mankhangun nyampo ðel mabors yarj zannañ mazos, ciazerna kho sunnad cogoshes khagcan samkhanni Yakobbi dzaogunni skyonrjod cocesla jiggsadpin. ¹³ Teboe ðasbu, zhanyañ Yahudapa Mashikapagun Pitarri khachossi nanña ðes, matshad Barnabassarj khonggunni khachossi nanña soñ.

¹⁴ Khongun gamoe nastshulli ñospoe lonboe gyabne maðulkhanbo, ñe thonñjacig, ñe tshanñe dunla Pitarla zerpín, "Khyorañ Yahudapazhigga skyestear, Yahudape thimsgun phañste, Yahudapa mankhangun tsogsla mitshe phuddug. Ta khyoraññi i Yahudapa mankhanni spungunla, ciphia Yahudape lugşolli nanñzhin ðulcesla, wañ taññad. ¹⁵ Ðadañ nyisko ni, skyespane pharla Yahudapa innog. Zhanmagunni sdigcan innog zerkhan Yahudapa mankhangun tsogs manog. ¹⁶ Innañ ñadañgunla gyusinnog, mizhig thimsgun khanyancespo manpa, Yeshu mashike nanña tadpa yodcespoe, Konchoggi skundunla, tañpo thea dzaddanog. Thimsgun khanyancespo manpa, Mashika Yeshui nanña tadpa coces gyudte, Konchoggi skundunla tañpo thea dzadcessi phia, ñadañgunni Mashika Yeshui nanña tadpa coste innog. Ciazerna suzhiggañ thims khanyancespoe, Konchoggi skundunla tañpo thea dzadda manog."

¹⁷ Kaltes ñadañgunni mashike nanña tadpa yodcespo gyudte, Konchoggi skundunla tañpo theces tsalladna, innañ thims phañcespoe ñadañgunni nanña skyon thonñadna, ci teboe tonbo, mashike ñadañgun sdigpe nanña thidte khyerra dzadte innogga? Mane manog. ¹⁸ Innañ kaltes ñe sñunla shigskhanni thimspo, yanşkyar stsigna, teboe ña sdigcanzhig inkhanbo stannanog. ¹⁹ De thims tshanñma şurj manyan pasan, teboe ñaa shigoshes thimscads. Soñpasarj thimssi phia ña shite in yanña Konchoggi tonla mitshe phudcessi phia, ñe thims tshanñma şurces phañste med. ²⁰ Mashika şkyañshirñjika şkyañña dzad zane, ñe sñunni mitsheboarj şkyañste med. Tanepharla i mitshee ñe manpa, Mashika i nanña zhugssad. Ta ñe Konchoggi şassi nanña, idshes coste i jigstenni zugspoe nanña duggad. Khonñji ñaa cespá dzadte khonñraññi şog, ñe phia salla dzads. ²¹ De Konchoggi thugrjebo nanñmed conyances manog. Kaltes thimsgun şurcespoe, ñadañgun Konchoggi skundunla tañpo theadna, tene Mashika toñs gosnessi ghosdom medpa innog.

Thims khanyances ya tadpa coces.**3:1 ne 14**

3 ¹ O samba medkhan, Galatiyagun, sui jadu coste khyozhagun burjbu tsogs sammed gyurcugs? De khyozhagunla Yeshu Mashika şkyañshirñjika toñskhanbo, khyozharaññi migne thonñkhan tsogs salpo coste shadpin. ² De

khyozhagunla inna ðiwa cigpo ðiin, khyozhagunla dampe thugnyid, Mozessi ðhimsgun şunçespoe thobssa ya mashike skorla lonbo tshorte tadpa cocespoe thob? ³ Khyozhagun izug sammed rig kazuggi gyur? Khyozhagunni mashike nañña mitshebo dampe thugnyid gyudte gozug coste, stiñne ciphia khyozhagunni mii khyuddi nañña tebo ðubcugcessi stsonðus coad? ⁴ Khyozhagunni rdugñal tshañma lencespo phanthogs medpa mañdo? Tantanla tegun tonmedla sonñe mañdo, inna?

⁵ De khyozhagunla yañskyar ðiad, khyozhagunni ðhimsgun şunçespoe, Konchoggi khyozhagunla dampe thugnyid salces yañ, khyozhe ðoa halasshessi ltagun coa dzadssa, ya mashike skorla tshorkhanni lonboe nañña idshes cocespoe dzads?

⁶ Tenna tsogsla Abrahammi Konchoggi nañña idshes cocespoe, Konchoggi khonña tañpo thea dzads.^c ⁷ Sonpasañ Konchoggi nañña tadpa cokhangun Abrahammi ñospoe purgyud inkhangun hagoa meragga?

⁸ Mayonşpoe tussi nañña, Konchoggi Yahudapa mankhangunla tadpa coces gyudte, tañpo thea dzadcespo, suñrabssi sñoncugs. Yan "Gyalkhag tshañmaa khyorañ gyudte cinlabs thobin^d" molte gamoe nastshulbo, tus mañpoe sñunla Abrahamma shadda dzads. ⁹ Teboephia mashike nañña tadpa cokhan tshañmala, Abraham tadpacan mi nyampo cinlabspo thobin.

¹⁰ Innañ Konchoggi dunla tañpo thecessi phia, ðhims khaa nyancesika raglaste dugkhangunla, khonñi ñan phogin ciazerna suñrabssi nañña molte innog, "Þhimssi speche nañña ðia dzadte yodkhan tshañma maşuñkhangunla, ñan phogin.^e"

¹¹ Tene ðhims şunçessi stsonðus coste suzhiggañ Konchoggi skundunla tañpo mithecespo, salpo sonñe innog. Ciazerna dampe suñrabssi nañña molte innog, "Tadpa cigpo gyudte mi tañpozhiğga mitshe thobbanog.^f" ¹² I tadpe lambo ni, ðhimssi lam kaboe "Þhims nañzhin ðulkhangunla te ðhims tshañma khanyante mitshe phudgossanog^g" zerkhanboe sañ ma sozozhig yodte innog.

¹³ Innañ ñadañ tshañmaa ðhimssi ñan phogkhanni kane mashike rin shalla dzadte thar cugs, nam ñadaññi cokhanni las ñanpagunni ñanbo, khonñi khonraññika khurra dzadte khon şkyañşhiññika şkyañş. Ciazerna dampe suñrabssi nañña ðia dzadte dug, "Lcañmeka şkyañşkhan tshañmala ñan phogste innog.^h"

¹⁴ Mashika Yeshu gyudte, Konchoggi Yahudapa mankhangunla, Abrahamma zhalchad dzadkhanni tenna cinlabspo salla dzads. Khonñi, ñadañgunla tadpa gyudte, zhalchad dzadkhanni dampe thugnyidbo, thobcessi gyuntshanboe phia, tebo dzads.

^c3:6 gozuggi speche 15:6

^d3:8 gozuggi speche 12:3; 18:18; 22:18

^e3:10 ðhimssi specha nyispe 27:26

^f3:11 habakuggi speche 2:4

^g3:12 ðhimssi specha tañpoe 18:5

^h3:13 ðhimssi specha nyispe 21:23

Thimsgun ya Konchoggi zhalchad.**3:15 ne 22**

¹⁵ Cespe spungun ta ɲaa zhagtaŋɲi mitshe taŋ ɖelkhanni spezhig taŋcug. Mi nyissi parla chaddon Griiste stiŋne suzhiggian, teboa naŋmed co minyan, ya teboa nante theba zer minyan. ¹⁶ Konchoggi zhalchadgun Abraham taŋ khonɲi purgyudlaⁱ, coa dzadte innog. Sunrabssi naŋɲa "Purgyudgun" molte midug, kaboe tonbo mi maŋpozhiɲ, innaŋ "Purgyudla" molte dug, kaboe tonbo, mi cigcig yaŋna Mashika. ¹⁷ De zercessi tonbo ni, Mozesla salkhanni thimssi saŋ lo zhibgya sumcue sɲunla, Konchoggi Abraham nyampo zhalchad dzads. Mozessi thimspoe, Konchoggi Abraham nyampo chaddon dzadkhanbo, cagste medkhan co minyan. ¹⁸ Kaltes thimsgun suŋcespoe, ɲadangunla Konchoggi tharpe norskalbo thobbadna, tene tharpabo zhalchad dzadkhanboeka raglaste medte innog. Innaŋ Konchoggi thugrjee naŋɲa Abrahamma khonraŋɲi zhalchad gyudte, tharpe norskalbo salla dzads.

¹⁹ Tene ciphia thimspo taŋste innog? Ibo migunla khongunni sdigpagun stancesi phia zhalchaddi stiŋne, teka nanma salla dzads. Innaŋ te thimspo tetetshogpa lusshesla coa dzads, namtshogpa te purgyudpo leb mileb, kabo Konchoggi zhalchad dzadte inpin. Konchoggi te thimspo phonyagun gyudte, Mozesla salla dzads, kho ni Konchog taŋ migunni parla barmizhiɲ inpin. ²⁰ Ta sde ciggi saŋ maŋɲi naŋɲa chaddon co zane, barmi ghosdom chanog. Innaŋ Konchog cig zhugste in pasan, khonɲi Abrahamma khonraŋɲi zhalchadpo sal zane, barmi kolla madzads.

²¹ Tene ci, thimspoe Konchoggi zhalchadla gyabgal coanogga? Mane coa manog. Kaltes thimssi ɲadangunla mitshe somazhiɲ taŋthubbadpinna, tene tebo khaa nyancesne ɲadangun Konchoggi skundunla taŋpo coste yodɖo. ²² Innaŋ dampe sunrabssi, ɲadaŋ tshaŋma sdigpe tsonpa inkhanboe spaŋpo salla dzaddug. Teboephia Yeshu mashike naŋɲa tadpa coces cigpo gyudte, Konchoggi tharpe zhalchadpo thobbanog.

Tadpaa cocespoe Konchoggi ɖugugun.**3:23 ne 4:7**

²³ I tadpabo yonɲi saŋ sɲunla, thimspoe ɲadangun tsonkhaŋɲi naŋɲa kagste kulig cugste borte innog, namtshogpa tadpabo sɲon masɲon. ²⁴ Te thimspo, Mashika sɲonsɲon tshagpa ɲadangun thidkhanni khagkxurpabo coa dzads. Tene mashike naŋɲa tadpa coces gyudte ɲadangun taŋpo thea dzadin. ²⁵ Innaŋ ta, te tadpe lambo skyod pasan, ɲadangunla thimssi stastoggi yogga duggos medpa innog. ²⁶ Mashika Yeshui naŋɲa tadpa yodcespoe, khyozhaa tshaŋma Konchoggi ɖugugun innog. ²⁷ Fhuslennacig, khyozhaa tshaŋma Mashika nyampo cigdiil sonɲe mashike scodlamgun Koslag soma tsogsla gonte innog. ²⁸ Ta Yahudapa taŋ Yahudapa mankhan, tsheyog taŋ raŋwaŋcan, butsha taŋ bumo gunni parla caŋ khyad medpa innog, ciazerna khyozhaa tshaŋma Mashika Yeshui naŋɲa cig innog.

ⁱ3:16 gozuggi speche 12:7; 13:15; 24:7

²⁹ Khyozhaa mashike in pasañ, khyozhagun Abrahammi denbe ÷ugugun innog. Yar Konchoggi zhalchad nañzhin, khyozhagun Abrahammi norskali dagpo gyurin.

4 ¹ De zercespo ni, norskal lenkhanbo ÷ugu in zane kho nor ganpoe dagpo intean, kho tsheyog shiggi sañ soso manog. ² Yarña te ÷uguboa tetetshogpa, khorañ tañ khoe norla stastog cokhangunni khaa nyangossanog namtshogpa, khoe abe Idamkhanni tuspo leb mileb. ³ Mashika skyoddi sañ sñunla tenna tsogspo ñadangun nyampo yodpin. Dadangun te ÷ugu tsogsla, i jigstenni chossi lam lugsolgunni tsheyog inpin.

⁴ Innarñ Idamma dzadkhanni tuspo lebbacig, Konchoggi khonraññi şaspo lamcugga dzads. Khon bumozhigne Itamste Yahudape ÷imssi yogga mitshe phudda dzads. ⁵ ÷imssi yogpo inkhangunni rañwarñbo logste nyocesla, Konchoggi khon lamcugga dzads, ciazerna khon ñadangun khonñi sosbua lenkhanni ÷ugugun gyurcesla thadda dzaddanog. ⁶ Dadarñ Konchoggi ÷ugugun in pasañ, khonñi khonraññi şassi thugnyidbo ñadangunni snyinñi nañña lamcugga dzads, yarñ tenna thugnyidboe "Aba, yable" molin bodda dzads. ⁷ Teboephia khyozhagun tsheyogga malussa, Konchog khonraññi ÷ugugun innog. Khyozhagun khonñi ÷ugu in pasañ, khyozhaa khonñi norskal lenkhangunnañ innog.

Galatiyagunni phia Paului thugstsher.

4:8 ne 20

⁸ Konchog shessi sañ sñunla, khyozhaa Yahudapa mankhangun denbe Konchog mankhan riggi tsheyog inpin. ⁹ Innarñ ta khyozhagunni Konchog sheste innog, ya ñe zergos Konchoggi khyozhagun khyenna dzaddanog. Tene ciphia khyozhagun yarşkyar chossi uthugs tañ phanmithogssi lam lugsolgunni tsheyog gyurrala, logste chanyinrag. ¹⁰ Sperna, khyozhagunni migsalli zhag, Izawa, namlza tañ lo gun tsirug. ¹¹ Da khyozhagunni phia jigssarag, ñe khyozhe phia stsonðus coste las cokhangun godla soñte intigdug. ¹² Cespe spungun, ña rañwarññi nañña dugga tsogsla, khyozhagunnañ dugcesla zhuwa phullad ciazerna sñunla khyozhaa Yahudapa mankhan ÷imssi kane rañwarñ yodkhangun tsogs, ña gyurte in.

Khyozhagunni ñaa ñanpa mane macos. ¹³ Khyozhagunla gyusinnog, ñaa zumo yorcespoe, khyozhagun yodsa gomarañ yongos pasañ, ñe gamoe nastshul khyozhaa shadpin. ¹⁴ Zugspoe thogne ña ma skyomo yod pasañ, khyozhagunni ñaa khamlogste stsismed conyances yodpin. Innarñ khyozhe ña rinmed macos, ya logste makals. Konchoggi chogsne phonya, ya Mashika Yesu khonrañ tsogsla, gasus zhuste ñaa stastog cos. ¹⁵ Khyozhe nañña yodkhanni te thadpogunla ci soñ? Kaltes nyanpinna, khyozhagunni raññi miggun phinñte ñaa tañcesla thadpo dugpin, ñe teboa spañpo tañ nyancesrag. ¹⁶ Innarñ ta ñe khyozhagunla tañpo shadcespoe ña khyozhagunni ñao gyurte inna?

¹⁷ Te zusme lobbogunni, khyozhe chogsskyorgun thobcessi phia maşante dodpa coanog, innarñ Itawa ñanpa nyampo. Khyozhagunni khon cigpoa chogsskyor cocessi phia, khongunni khyozhagun tañ ñe nañña bar pheste, ñelbo shigcesla

4:15 chossi nañña khaspa mañpoe Paulua miggi zumo yodkyag sammanog.

dodpa coanog. ¹⁸ Kaltes samba zanpo nyampo inna, dodpa maşante conaŋ ɗigte innog. Innaŋ tebo ŋa khyozhagun nyampo yod zane cigpo manpa, tusgyun cogoshes innog. ¹⁹ O, ŋe cespe ʒugugun, kazuggi amazhigga ʒugu jor zane zumo yonŋad, tenna tsogssi zumo khyozhagunni phia yaŋskyar ŋe snyinŋi naŋŋa rag, namtshogpa khyozhe naŋŋa mashike scodlamgun gaŋpo mildan. ²⁰ Da daga khyozhagun nyampo yodcessi maşante dodpa coad, tene ŋe khyozhagun nyampo ŋaraŋŋi spera taŋtshulboe naŋŋa gyurja khyonŋyante yoddo. Innaŋ thagrinŋa yodcespoe ŋa hagoa merag, ŋe khyozhaa kazuggi rogs coin.

Abrahammi ʒugu nyis.

4:21 ne 31

²¹ ʒimssi yogga dugnyin yodkhan khyozhagunni ŋaa shoddaŋ. Ci ʒimssi naŋŋa zerte yodkhanbo, khyozhagunla tantan gyusyodda? ²² Dampe sunrabssi naŋŋa molte innog, "Abrahamma butsha nyis yodpin, cigpo ni tsheyog yaŋ cigpo ni raŋwaŋcan bumoe inpin." ²³ Tsheyogne skyekhani butshabo, mii stonɗusne Konchoggi zhalchad ɗubcugcespo inpin, innaŋ raŋwaŋcanni bumone skyekhani butshabo, Konchoggi zhalchad dzadkhanni ɗasbu inpin.

²⁴ Konchoggi dzadkhanni chaddon nyisko i bumo nyisko nyampo ldurnyances innog. Bumo taŋpo, Hagar ni Sinai ri taŋ speste innog, karu migunla khongun tsheyog gyurcugkhanni ʒimspo thobte inpin. ²⁵ Ta Hagar Arabia naŋŋa yodkhanni ri Sinai tsogs innog, kabo itussi Yerushalemmi gyalsa tsogs in, yaŋ te gyalse migun ʒimssi tsheyogga dugcesla thaddanog. ²⁶ Innaŋ namkhe Yerushalem ni raŋwaŋcanni bumo Sara tsogs innog, khoe ʒugugun tsheyog manog, yaŋ kho ŋadaŋgunni ama in. ²⁷ Dampe sunrabssi naŋŋa ɗia dzadte innog,

"O ʒugu medkhanni bumo, ʒugu mane maskyeskhan skyidpo cos.

ʒugu skyecessi zumo maphogkhan, thadpoe naŋŋa kuco toŋ.

Ciazerna ta daga naŋtshaŋs medkhanni bumoa magpa yodkhanni

Bumoe saŋ maŋŋa ʒugu maŋpo yodte innog."

²⁸ Cespe spungun, ta khyozhaa Isak tsogsla Konchoggi zhalchad dzadkhanni ʒugugun innog. ²⁹ Innaŋ mi stonɗusne skyekhani ʒugui, thugnyiddi thogne skyekhani ʒuguboa nags stankyag. Tenna tsogs ni dagsaŋ cunste innog.

³⁰ Innaŋ sunrabssi teboe skorla ci molte dug, "Tsheyog taŋ khoe butsha nyisko phir, ciazerna raŋwaŋcanni bumoe butshe inkhani norskalboe naŋŋa tsheyoggi bumoe butshaa, skyalla mane mithob." ³¹ Teboephia cespe spungun, ŋadaŋgun tsheyoggi bumoe ʒugu manpa, raŋwaŋcanni bumoe ʒugu innog.

^k4:27 yeshaye speche 54:1

^l4:30 gozuggi speche 21:10

Thugnyiddi warŋi narŋa mitshe phudces.**5:16 ne 26**

¹⁶De zercespo ni, dampe thugnyiddi stankhanni mitshee lamboeka ɗulshig. Tene khyozhagunni sdigpe dodpe cocugkhanni lasgun ɗanɗa ɗub micug. ¹⁷Sdigpe dodpe, dampe thugnyiddi dodpe gologpo coanog, yarŋ dampe thugnyiddi dodpe, sdigpe dodpe gologpo dzaddanog. I nyisko mathun pasarŋ khyozhaa thadkhanbo conyanna manog. ¹⁸Innarŋ khyozhagun thugnyiddi thid zane, khyozhagun Mozessi thimssi yogga duggos medpa innog.

¹⁹Sdigpe dodpe lasgun ma salpo thonŋanog. Tegun lusɗel ŋarpa coces, scodpa ŋarpe lasgun coces, thamedpe lusɗelli dodpa, ²⁰skunɗaa colces, chosŋan yarŋa jadu coces, naphrad coces, dziŋmo taŋces, tshigces, maŋstearŋ ōo yorŋces, stodpa ya stsiwe dodpa borces, khonborces, popudces, ²¹zhanmaa yodkhangunni dodpa coces, munla chaŋ thuŋces, ɗontanŋ rarosshessi zasgun lente tanba storces taŋ zhanyaŋ itsogssi sdigpagun. De khyozhagunla yaŋskyar spaŋpuddad, tetsogssi mitshe phudkhangunla Konchoggi gyaɗidpo norskalla mane mithob.

²²Innarŋ dampe thugnyidne sminkhanni ɗasbu ni, cespaa, skyidpo, zhida, zodpa, kaŋin, zaŋpo, idshescan, ²³bolmo taŋ raŋsems cunces gun innog. Tetsogssi scodpagunni gyabgalla thims caŋ medpa innog.

²⁴Mashika Yeshui inkhangunni, sdigpe dodpa taŋ dodchags ŋarpa gun ōkyaŋshiŋŋika ōkyaŋste medkhan coste innog. ²⁵Dampe thugnyiddi ŋadaŋunla mitshe phudcugga dzad pasarŋ, thugnyiddi gyabne ɗulinzhig, mitshe khag tshaŋma khonŋa thidcugshig. ²⁶Dadangun phoso tshor magos, yarŋ cig taŋ ciggi narŋa ōo ya tshigces gun yonɗug magos.

Cig taŋ ciggi nagsgun goste khurces.**6:1 ne 10**

6¹Cespe spungun, kaltes tadopacanzhig sdigpe narŋa gyelna, khyozhaa dampe thugnyiddi narŋa lɗankhangunni, te miboa pasmo nyampo taŋpoe lammika logste khyonŋoshes innog. Innarŋ tenna tsogs sdigpe narŋa khyozhagunnaŋ migyelcesla shaŋ coshig. ²Cig taŋ ciggi khurugun goste khurshig. Tetsogs cocesne khyozhagunni mashike thimspo, ɗubcugste innog. ³Kaltes khyozhararŋ caŋ maninnaŋ ma taŋpo tshorte zhanmagunla rogs coa medna, khyozhararŋi raŋŋa gobskorte innog.

⁴Khyozhararŋi lasla gyalla coste stagcad coshig. Tene khyozhagunla zhanma nyampo lɗurkhanni skyidpo manpa, khyozhararŋi las gyalla cokhanni skyidpobo yonŋin. ⁵Yarŋ idtu coshig, mi rerea raŋraŋi khurugun khurgossanog.

⁶Khyozhagunla Konchoggi ka labba dzadkhangun nyampo, khyozhaa yodkhan phanthogscan tshaŋma gosshig.

⁷Khyozhagunni raŋdararŋa gobskorte Konchoggi thimscadda dzadcespoo narŋmed macoshig. Khyozhararŋi tabkhanni stonthoggi ɗasbu khyozhagunni rŋaen. ⁸Sdigpe dodpagun ɗanɗa ɗubcesla mitshe phudkhangunni, te sdigpe

dodpagunni kane, rulces tar shices gun rjaen. Innar Konchoggi thugnyid thugsthadcugkhanni mitshe phudkhangunni, thugnyidne thamedpe mitshezhiq rjaen. ⁹ Tene rdarar zarpo cocesla narra tsher goshes manog, ciazerna kaltes zarpo cocespo phar mapharja, Konchoggi Idamma dzadkhanni tuspoeka rdararunni cinlabscanni stonhogpo rjaen. ¹⁰ Teboephia nam skabs thobnar, rdararunni tsharjama zarpo cogoshes innog, migsalli tadpacan spungunla.

Pauli stinjuggi khadaa.

6:11 ne 18

¹¹ Ta re rdararji lagpa nyampo diacig, ltossar, re dikhangun tsamshiggi chenmo rig midug.

¹² Sunnad cogossanog zerte khyozhagunla war tarjhangunni, tebo khorarun zarpo tharces matshad, Mashika shkararshirjika tarsshes gyudte tharpa thobces cigpo labste, khorarunla nagsbardo mitharcessi phiar coanog. ¹³ Sunnad coste yodkhanguniar thims tsharjama khanyanna manog. Innar khyozhe sunnad cokhanboeka khongunla phoso conyancesi dodpe zhaste khongunni khyozhaa tebo cocugganog.

¹⁴ De dodpa ni rdararunni Tsoo Yeshu mashike shkararshir cigpoeka mastogs yar cizhiggikar re phoso mane mico. Mashike tenna shkararshirji zhaste re jigstenni dodpa tsharjama sadte in. Yar re phia rincan inkhangun i jigstenpagunni rincan samma midug. ¹⁵ Sunnad coste yoddo ya meddo teboe car phanthogs medpa innog. Khagcanbo ni, gyurja khyarste mitshe somazhiq phudcespo innog. ¹⁶ Mitshee some lammika dukhangunla, Konchoggi zhide tar snyirje gun thobin. Tegun Konchoggi denbe migun innog.

¹⁷ Dorlduste taneparla tegunni skorla, suzhigiar ja nags mastanshiq, ciazerna re zugspoeka Yeshui gyabne dukkhanni rdugalli staggun phogte yod.

¹⁸ Cespe spungun, rdararunni Tsoo Yeshu mashike thugrjebo, khyozhagunni thugnyid nyampo zhugsshig, amen.